

Broj: 06-02-121-21/2019-12  
Sarajevo, 23.08.2019. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke imenovane Rješenjem, broj: 09-34-122-R-6/2019 od 03.07.2019. godine, sekretar Vlade Federacije Bosne i Hercegovine, d o n o s i

**O D L U K U**  
**O IZBORU NAJPOVOLJNIJEG PONUĐAČA ZA JAVNU NABAVKU ROBA –**  
**KANCELARIJSKOG I KOMPJUTERSKOG MATERIJALA I OSTALOG**  
**ADMINISTRATIVNOG MATERIJALA I SITNOG INVENTARA ZA POTREBE GENERALNOG**  
**SEKRETARIJATA VLADE FEDERACIJE BOSNE I HERCEGOVINE**  
**(LOT 1 – KANCELARIJSKI MATERIJAL)**

**I.**

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za javnu nabavku roba – nabavka kancelarijskog materijala za potrebe Generalnog sekretarijata Vlade Federacije Bosne i Hercegovine (LOT 1), evidencijski broj nabavke: 06-02-121-21/2019-1, broj Obavještenja o nabavci sa portala javnih nabavki: 854-7-1-29-3-16/19 od 24.07.2019. godine, kao najbolje ocijenjena prihvatljiva ponuda je ponuda ponuđača **EXCLUSIVE d.o.o. Zenica**, sa ukupnom cijenom ponude bez PDV-a, nakon provedene e-Aukcije, u iznosu **21.260,00 KM**.

**II.**

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene Tenderskom dokumentacijom, a u skladu sa kriterijem za dodjelu ugovora (najniža cijena), nakon održane e-Aukcije, ponudio je najnižu cijenu.

**III.**

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

**IV.**

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine-Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

## Obrazloženje

Postupak nabavke pokrenut je Odlukom o pokretanju postupka javne nabavke, broj: 06-02-121-21/2019 od 02.07.2019. godine. Javna nabavka provedena je putem Konkurentskog zahtjeva za dostavu ponuda. Predmet nabavke podijeljen je na dva LOT-a čija je ukupna procijenjena vrijednost nabavke iznosila 43.900,00 KM. Ukupna procijenjena vrijednost nabavke za LOT 1 iznosila je 26.400,00 KM bez PDV-a. Obavijest o nabavci poslana je na objavu 24.07.2019. godine, te je istog dana objavljena na portalu Javnih nabavki pod brojem: 854-7-1-29-3-16/19.

Tendersku dokumentaciju preuzelo je 20 (dvadeset) privrednih subjekata, a 4 (četiri) ponuđača dostavila su ponude u predmetnom postupku nabavke za LOT 1. Sve ponude su blagovremeno pristigle. U skladu sa provedenim predmetnim postupkom javne nabavke, ponude za LOT 1 su dostavili sljedeći ponuđači: PRIMAPROM d.o.o. Banja Luka, ELKOM d.o.o. Vitez, EXCLUSIVE d.o.o. Zenica i R&S d.o.o. Sarajevo.

Komisija za javne nabavke, imenovana Rješenjem, broj: 09-34-122-R-6/2019 od 03.07.2019. godine, izvršila je pregled i ocjenu ponuda, te konstatovala da su, od ukupno 4 (četiri) dostavljene ponude, prihvatljive 3 (tri) i to ponude ponuđača: ELKOM d.o.o. Vitez, EXCLUSIVE d.o.o. Zenica i R&S d.o.o. Sarajevo, dok je ponuda ponuđača PRIMAPROM d.o.o. Banja Luka ocijenjena kao neprihvatljiva.

Ponuda ponuđača PRIMAPROM d.o.o. Banja Luka odbačena je iz sljedećih razloga:

- U Tenderskoj dokumentaciji, tačka 3.1. Lična sposobnost – član 45. stav (1) tačke a) do d) Zakona, ponuđač je, u svrhu dokazivanja lične sposobnosti (član 45. stav (1) Zakona), bio dužan, u ponudi, dostaviti Izjavu ovjerenu od strane nadležnog organa (notar, sud ili općina). Datum davanja izjave trebao je biti u periodu 24.07.2019. – 08.08.2019. godine. Obrazac Izjave o ispunjenosti uslova iz člana 45. stav (1) Zakona, je bio sastavni dio Tenderske dokumentacije u obliku Aneksa 5.

Ponuđač PRIMAPROM d.o.o. Banja Luka nije dostavio Izjavu ovjerenu od strane nadležnog organa (notar, sud ili općina).

- U Tenderskoj dokumentaciji, tačka 13.4. ponuđač je bio dužan, u skladu sa članom 52. stav (2) Zakona, u ponudi dostaviti i posebnu pismenu Izjavu ovjerenu od strane nadležnog organa (notar, sud ili općina) da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci. Datum davanja izjave trebao je biti u periodu 24.07.2019. – 08.08.2019. godine. Obrazac Izjave iz člana 52. stav (2) Zakona, je bio sastavni dio Tenderske dokumentacije u obliku Aneksa 7.

Ponuđač PRIMAPROM d.o.o. Banja Luka nije dostavio Izjavu ovjerenu od strane nadležnog organa (notar, sud ili općina).

U skladu sa tačkom V. Odluke o pokretanju postupka javne nabavke, broj: 06-02-121-21/2019 od 02.07.2019. godine provedena je e-Aukcija dana 21.08.2019. godine, za LOT 1, sa početkom u 09.30 sati.


Nakon provedene e-Aukcije, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-02-121-21/2019-11 od 22.08.2019. godine i Preporuku o izboru najpovoljnijeg ponuđača EXCLUSIVE d.o.o. Zenica, sa registriranim sjedištem u Zenici, ID broj: 4218000400009, za predmetnu nabavku-LOT 1.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke svaki od ponuđača koji je učestvovao u postupku nabavke može izjaviti žalbu Ugovornom organu – Generalnom sekretarijatu Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



Dostaviti:

1. Svim ponuđačima u postupku
2. Komisiji za javne nabavke
3. Sektor za pravne i opće poslove
4. Sektor za materijalno-finansijske poslove